

中國歷史的發展與演變 2 課程講義



【98年5月6日擬】

【風華盛世（二）武則天到唐玄宗】

風華盛世（二）---武則天到唐玄宗

一、一代女皇武則天其人其政如何？

1、徐敬業的起事，何以迅即敗亡？

移檄州縣，略曰：「偽臨朝武氏，人非溫順，地實寒微。昔充太宗下陳，嘗以更衣入侍，洎乎晚節，穢亂春宮。密隱先帝之私，陰圖後庭之嬖，踐元后於翬翟，陷吾君於聚麀。」又曰：「殺姊屠兄，弑君鳩母，人神之所同嫉，天地之所不容。」又曰：「包藏禍心，竊窺神器。君之愛子，幽之於別宮；賊之宗盟，委之以重任。」又曰：「一抔之土未乾，六尺之孤安在！」又曰：「試觀今日之域中，竟是誰家之天下！」太后見檄，問曰：「誰所為？」或對曰：「駱賓王。」太后曰：「宰相之過也。人有如此才，而使之流落不偶乎！」（光宅元年，684）

2、武則天如何治理？

太后引見存撫使所舉人，無問賢愚，悉加擢用，高者試鳳閣舍人、給事中，次試員外郎、侍御史、補闕、拾遺、校書郎。試官自此始。時人為之語曰：「補闕連車載，拾遺平斗量；權推侍御史，智脫校書郎。」有舉人沈全交續之：「糊心存撫使，眯目聖神皇。」為御史紀先知所擒，劾其誹謗朝政，請杖之朝堂，然後付法，太后笑曰：「但使卿輩不濫，何恤人言！宜釋其罪。」先知大慚。太后雖濫以祿位收天下人心，然不稱職者，尋亦黜之，或加刑誅。挾刑賞之柄以駕御天下，政由己出，明察善斷，故當時英賢亦競為之用。（長壽元年，692）

太后謂侍臣曰：「頃者周興、來俊臣按獄，多連引朝臣，云其謀反；國有常法，朕安敢違！中間疑其不實，使近臣就獄引問，得其手狀，皆自承服，朕不以為疑。自興、俊臣死，不復聞有反者，然則前死者不有冤邪？」夏官侍郎姚元崇對曰：「自垂拱以來坐謀反死者，率皆興等羅織，自以為功。陛下使近臣問之，近臣亦不自保，何敢動搖！所問者若有翻覆，懼遭慘毒，不若速死。賴天啟善心，興等伏誅，臣以百口為陛下保，自今內外之臣無復反者；若微有實狀，臣請受知而不告之罪。」太后悅曰：「曩時宰相皆順成其事，陷朕為淫刑之主；聞卿所言，深合朕心。」賜元崇錢千緡。（神功元年，697）

3、武則天是怎樣一位人物？

太后以吉頊有幹略，故委以腹心。頊與武懿宗爭趙州之功於太后前。頊魁岸辯口，懿宗短小傴僂，頊視懿宗，聲氣陵厲。太后由是不悅，曰：「頊在朕前，猶卑我諸武，況異時詎可倚邪！」他日，頊奏事，方援古引今，太后怒曰：「卿所言，朕欲聞之，無多言！太宗有馬名師子驄，肥逸無能調馭者。朕為宮女侍側，言於太宗曰：『妾能制之，然須三物，一鐵鞭，二鐵槓，三匕首。鐵鞭擊之不服，則以槓槓其首，又不服，則以匕首斷其喉。』太宗壯朕之志。今日卿豈足污我匕首邪！」頊惶懼流汗，拜伏求生，乃止。（久視元年，700）

武則天是一位傑出的女政治家。她執政二十年，有功有過，互不相掩。她也是一位傑出的詩人，所作詩文很多。最能表現其浪漫性格的，是她自製的商調曲〈如意娘〉：看朱成碧思紛紛，憔悴支離為憶君。不信比來常下淚，開箱驗取石榴裙。（施蟄存：《唐詩百話》）

二、開元全盛日，是怎樣出現的？漁陽鼙鼓何以動地而來？

1、唐玄宗初年，「開元之治」因何而有？

姚崇嘗有子喪，謁告十餘日，政事委積，（盧）懷慎不能決，惶恐，入謝於上。上曰：「朕以天下事委姚崇，以卿坐鎮雅俗耳。」崇既出，須臾，裁決俱盡，頗有得色，顧謂紫微舍人齊澣曰：「余為相，可比何人？」澣未對。崇曰：「何如管、晏？」澣曰：「管、晏之法雖不能施於後，猶能沒身。公所為，隨復更之，似不及也。」（胡注：觀姚崇之所以問，齊澣之所以對，皆揣己以方人，欲不失其實。今之好議論者，當大臣得權之時，則譽之為伊、傅、周、召；為大臣者安受之而不愧。失權之後，則詆之為王莽、董卓、李林甫、楊國忠，為大臣者亦受之而不明。則今日之諂我者，乃他日之毀我者也。）崇曰：「然則竟如何？」澣曰：「公可謂救時之相耳。」崇善，投筆曰：「救時之相，豈易得乎！」懷慎與崇同為相，自以才不及崇，每事推之，時人謂之「伴食宰相。」（開元三年，715）

2、亂局世現，有那些制度上的因素？

3、導致亂局出現的，是李林甫，還是楊國忠？

- 一、媚事左右，迎合上意，以固其寵；
- 二、杜絕言路，掩蔽聰明，以成其姦；
- 三、妬賢嫉能，排抑勝己，以保其位；
- 四、屢起大獄，誅逐貴臣，以張其勢。

4、我們怎麼看唐玄宗與楊貴妃？

性英斷多藝，尤知音律，善八分書，儀範偉麗，有非常之表。（《舊唐書》）

善歌舞，邃曉音律，且智算警穎，迎意輒悟。（《新唐書》）

漁陽鼙鼓動地來，驚破霓裳羽衣曲。九重城闕煙塵生，千乘萬騎西南行。翠華搖搖行復止，西出都門百餘里。六軍不發無奈何，宛轉蛾眉馬前死。花鈿委地無人收，翠翹金雀玉搔頭。君王掩面救不得，回看血淚相和流。黃埃散漫風蕭索，雲棧縈紆登劍閣。峨嵋山下少人行，旌旗無光日色薄。蜀江水碧蜀山青，聖主朝

朝暮暮情。行宮見月傷心色，夜雨聞鈴斷腸聲。天旋地轉迴龍馭，到此躊躇不能去。馬嵬坡下泥土中，不見玉顏空死處。

安祿山的軍事主力是蕃兵和蕃將，其主要將領有相當一批出身于昭武九姓的粟特人。這些將領率領的部落兵，是他的主要軍事支柱。安祿山出身粟特，對商業興販最為熟悉。起兵之前，他派遣粟特商胡往各地興販貿易，這些商業興販所聚之財和進貢回賜所得之物，構成安祿山叛亂的經濟基礎。安祿山自稱為「光明之神」的化身，並親自主持粟特聚落中群胡的祆教祭祀活動，使自己成為胡族百姓的宗教領袖。（榮新江，〈安祿山的種族與宗教信仰〉）

三、安史之亂即已發生，唐朝怎樣因應？

唐肅宗即位靈武，李泌獻上怎樣的計策？結果如何？這個出於《李鄴侯家傳》記載可信嗎？肅宗何以不納？

李光弼出井陘，郭子儀入河東，不要進取華陰，讓叛軍據守的東西兩京道路常通。朝廷駐軍在扶風，與郭、李兩軍分次出擊，叛軍來救頭，就擊它的尾，來救它的尾就擊它的頭，讓它來往千里，疲於奔命。